

أرنوب حلمه يكون دبدوب



شوفتوا يا حبايبي الأرنوب

كان نفسه يصبح دبدوب

قام راح للساحر محجوب

قاله خير يا سي أرنوب

أيه طلباتك يا حبوب

طلبى واحد بس يا دوب
نفسى أكبر كدا على طول
وأبقى دبدوب مش أرنوب
أكل سمك وأكل لحوم
وأبطل أقرقض ف حبوب
وتخاف منى الحيوانات
أحسن ما أبقى جبان مرعوب
طيب غمض عينك ياللا
فتح عينك وطل طلة
كبر الأرنب وبقى تخين
وفرح جدا بالتغيير
وقف بشجاعة ال أيه مش خايف
وأما سمع صوت ملك الغابة
جاي ينادى مين اللى هناك

قال أنا دب ليه أنا خايف؟

عايز اتدارا فين مش عارف

راح ع الجحر أوام يتخبى

لقى الجحر بالنسبالة حجمه صغير

قال يا خسارة هو أنا لازم كنت أتغير

طيب أديني واقف متحير

أعمل أيه بس من الآخر

لازم أرجع تانى للساحر

سأله رجعت ليه من تانى

قال أنا فعلا شكلى إتغير

لكن جوايا زى ماهو

كنت فاكّر أنى هعيش

وسط الغابة كدا بالقوة

بس القوة مش بالحجم

القوة مكانها فى العقل
وأنا طول عمرى كل ما أحس
بخطورة بجرى قوام ع الجحر
مش أحتار فىن أدارا
زى ماكنت كبير الحجم
ضحك الساحر وقاله ها
يبقى أكيد تبقى أنت فهمت
أقتعنت وأتعلمت أنى
أكون راضى بحالى
أيه فايذة إنى أكون دبدوب
بس صفاتى صفات أرنوب
بشكر ربى وقوله أنا أسف
عمرى ما هتبطر على حالى
دايما أعيش شاكر فضلك

وهكون دايما راضى بحالى

بس سامحنى يا رب الكون

أنا من صنعك مهما يكون

